



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Caput I. Quæ mysteria Fidei necessariò credenda sint.

urn:nbn:de:hbz:466:1-42634

TRACTATUS PRIMUS.

De Preceptis Fidei.

C A P U T I

Quæ mysteria Fidei necessariò
credenda sint.

¶ **E**X iis, quæ fideles explicitè credere tenentur,
quædam necessariò credenda sunt, necessita-
te medii, seu finis; sine quibus, etiam inculpa-
biliter ignoratis, finis ultimus obtineri nequi-
tia, alia necessitate præcepti, sine quibus inculpabi-
liter omissis finis potest obtineri. *Sanch. 2. mo-*
ral. cap. 2. Azor. Valent.

¶ **R**esp. I. Necessitate medii necessaria sunt
hæc duo, I. Explicitè credere Deum esse, & re-
muneratorem bonorum esse, juxta illud Apo-
stoli ad *Heb. 11. Credere oportet. Trident. Seff. b. 6.*
8. 2. Post sufficientem Evangelii promulgatio-
nem credere explicitè, ut vult *Mol.* aut saltem
implicitè, ut probabiliter quidam docent, cum
Kon. & Lay. Christum & sanctissimam Trinita-
tem. vid. *Escob. Ex. 2. c. 6. n. 20.* ubi ex *Vasq. l. 2.*
d. 126. c. 3. docet culpabilem ignorantiam ho-
rum mysteriorum, sive negligentiam ea dif-
fendi, esse grave peccatum, distinctum ab eo,
cujus est causa, vid. *Dian. p. 3. t. 5. R. 47. & 48.*
¶ Porrò implicitè credere dicitur, qui credit
aliquid explicitè, in quo alterum implicitè est:
v. g. si credas, quod credit Ecclesia, v. *Schol. &*
Laym. l. 2. tr. 1. cap. 8.

¶ **R**esp. II. Necessitate præcepti, quivis fidelis

sub

sub mortali explicitè credere , & scire , crasso
saltem modo & quoad substantiam tenetur
hæc: 1. Symbolum , 2. Orationem Domini-
cam. 3. Præcepta Decalogi , & Ecclesiæ. 4. Sa-
cramenta maximè necessaria ; ut Baptismum ,
Eucharistiam , & Pœnitentiam : reliqua autem
tunc , quando vult suscipere. *Suar. Sanch. Fill.* 22.
tr. num. 39. Quæ omnia intellige, nisi im-
tentia, aut invincibilis ignorantia excuset, *Unde*
resolvitur:

I. Non omnes tenentur sub mortali hæc
prædicta scire memoriter , aut eo ordine , aut
iis verbis , quibus proponuntur ; sed quoad O-
rationem Dominicam , scire , omnia bona pe-
tenda esse à Deo , quæ est ejus summa ; quoad
Symbolum verò , Præcepta , & Sacra-
menta , sufficit , si quis rogatus de singulis rectè respon-
deat. *Bon. to. 2. d. 3. q. 2. p. 2. Lay. cap. 9. Sanch.*
h. 2. cap. 3.

II. Quamvis sit præceptum Ecclesiæ discen-
di memoriter Symbolum , & Orationem Do-
minicam , & Salutationem Angelicam , velitque
Barbos. p. 3. c. 27. non esse absolvendum , qui ob
negligentiam , vel verecundiam ea addiscere
non curat ; consuetudo tamen , ut notat Na-
var. & Lopez , exposuit obligationem non esse
ultra veniale , uti nec est ultra veniale , nescire
facere crucem , ut docet *Sanch. contra Sylv.* qui
docet esse mortale.

III. Moraliter nihilominus necessarium est ,
ut rudiores memoriâ teneant Symbolum suâ
linguâ , quia alioquin non possunt habere suffi-
cientem cognitionem Articulorum.

IV. Falsa est opinio quorundam Canonista-

• ritum, rusticis esse satis, articulos fidei, aliqua
dicta credere implicitè, credendo quidquid
credit Ecclesia.

» V. Excusantur ii, quibus aut defuit doct̄or,
aut nunquam venit in menteni obligatio simili-
aria discendi; aut qui nimis sunt rudes, ita ut non
possint ea comprehendere aut retinere: quod
sæpe contingere docet Azor. & Bec. contra-
lios.

» VI. Si Confessarius probabiliter judicet pa-
nitentem ignorare ex doctrina Christiana ea,
quæ scire tenetur (quod de literatis, vel bene
educatis, vel frequenter confitentibus præsu-
mendum non esse monet Sanch. 2. mor. c. 3.) de-
bet eum interrogare de negligentia in iis addi-
scendis, cum per eam plurimi graviter peccent.
Ledeff. Azor. t. 1. l. 8. c. 8. Trull. l. 1. c. 1. d. 4.

» VII. Possunt absolves (contra quosdam) qui
ignorant ea, quæ sub mortali scienda esse dixi.
Ratio, quia licet peccarint omittendo discere,
possunt tamen de hoc dolere, cum proposito
discendi. Sanch. Quod si tamen ignorarent ea,
quæ necessitate medii scienda sunt, deberent
instrui ante absolutionem. Bon. d. 3. q. 2. p. 2.
Sanch. n. 21.

» VIII. Parochus suas oves (sicut parens libe-
ros) tenetur sub mortali, per se vel alium do-
cere, ea saltem, quæ sub mortali scire tenentur.
Sanch. l. c. Fill. tr. 22. n. 47. Palaus Kon. §.

A D D E N D A.

3 Q. 2. Quid notandum sit circa varias propositiones in hac
materia damnatas. B. Seqq. §. 1. Concil. Rhemensē
anno 1148. damnavit hanc prop. Petri Abalar-
di,

di, nihil credendum est, quod excedat nostri intellectus
virtutein: unde certum est nos teneri multa cre-
dere, quamvis excedant captum nostri intelle-
ctus, uti sunt mysteria SS. Trinitatis, Incarna-
tionis, &c.

§. 2. Inter propos. ab *Inn. XI.* damnatas hæc
est 19. voluntas non potest efficere, ut assensus fidei in
seipso sit magis firmus, quam mereatur pondus ratio-
num ad assensum impellentium: ex qua damnatione
colliguntur sequentia, 1. Voluntas in rebus ine-
videntibus habet quoddam imperium politicum
in intellectum, sive, habet vim inclinandi illum
& determinandi ad unam partem præ altera,
non obstante ratione in oppositum. 2. Cùm a-
dus fidei sit inevidens, ad illum prærequiritur
pia motio voluntatis inclinantis intellectum ad
assensum, nam motiva de se obscura non neces-
sitant intellectum, ergo debet voluntas intelle-
ctum applicare potius ad assensum quam ad su-
spensionem assensus; & per hoc etiam habetur
libertas fidei. 3. Quò voluntas magis inclinat,
tanto firmius assentitur intellectus, etiam si mo-
tiva ex parte intellectus, non sint majora, uti
pluribus evincit *Carden.* in 1. crisi d. 13. & l. 1. à
n. 398. & 414. satè explicavimus. 4. Ad actum
fidei non sufficit, quòd voluntas non repugnet,
sed requiritur imperium positivum, cùm
enim repugnantia sit semper æqualis, & relin-
quat intellectum æqualiter indeterminatum, si
non adveniret positivum imperium, voluntas
nunquam ficeret, ut assensus esset jam magis jam
minus firmus, uti rectè expendit *Carden.* c. 3. 5.
Certum est voluntatem posse facere, ut assensu-

A 3

fidei

fidei sit in se firmior, quam mereatur motiva credibilitatis impellentia ad judicium de honestate & necessitate fidei, de illis enim solis motivis videtur explicanda propositio damnata, uti reatē *Ill. t. 3. n. 7.* nam motivum ipsiusmet fidei est semper dignum sumamā firmitate assensū.

§. 3. Prop. 20. ab eodem *Inn. XI.* damnata est hæc, hinc potest quis prudenter repudiare assensum, quem habebat, supernaturalem: ex qua damnatione constat, quod is, qui ex rationibus sufficientibus habuit assensum supernaturalem fidei, non possit pro libitu suo repudiare illum, sed teneri credere, quamdiu manet pondus illarum rationum. Per hoc tamen non damnatur sententia eorum, qui dicunt hominem infidelem, cui religio catholica proponitur ut probabilius, si statim adhibeat debitam diligentiam ad assequendam certitudinem, posse suspendere assensum, donec assequatur illam, uti recte *Carden. c.* 4. cum enim assensus fidei debeat esse, non tantum certus, sed etiam firmus super omnia, nemo potest obligari ad eum eliciendum, donec habeat ea motiva, quæ apta sint inducere eam certitudinem & firmitatem. Nec damnatur sententia illorum, qui dicunt, si motiva pro fide nostra definerent alicui esse probabilia, & è contraria motiva pro errore opposito fierent moraliter certa, idque invincibiliter, posse tales hominem ad tempus suspendere assensum fidei, donec iterum comperisset veritatem, nam hæc prop. damnata est illativa, uti constat ex particula, hinc, estque veluti conclusio deducta ex prop. 19. antecedente, ita ut dicat posse pro libitu voluntatis repudiari assensum fidei, quando habitus est, & illum adhuc

ad hoc meretur pondus rationum ad eum impellentium, quod falsum est: in altero autem casu pondus rationum non amplius mereretur assensum, quia probabilitas earum esset elata per motiva in oppositum moraliter certa, uti supponitur.

§. 4. Prop. 21. ab eodem *Inn. XI. damnata* 6
est haec, assensus fidei supernaturalis & utilis ad salutem stat cum notitia solum probabili revelationis, immo cum formidine, quia quis formidet, an sit locutus Deus: ex qua damnatione sequentia deducuntur, i. ad actum fidei supernaturalem necessarium est, ut credens sit certus, quod Deus revelabit hoc, quod ipse credit; non videtur tamen opus esse, ut ea certitudo oriatur ex argumentis, alioquin homines rudes & pueri vix unquam credere possent, cum non capiant illam evidentiam argumentorum, quae sunt pro credibilitate mysteriorum revelatorum: itaque sufficiet certitudo, sive oriatur ex argumentis pro fide ipsa, sive oriatur ex lumine supernaturali seu illustratione Dei, quae sequitur post cognitionem probabilem revelationis, & à Deo datur ante omnem actum fidei, tollitque omnem formidinem de opposito, uti recte *Carden. D. 14. C. 3.* vide tamen dicenda à n. 43. 2. Propositiones, quae tantum probabiliter continentur sub aliqua universalis revelata, non possunt credi fide divinâ, v. g. haec universalis est revelata, *omnis fidelis*, qui rite absolvitur à peccatis suis, consequitur Dei gratiam; illa autem particularis sive singularis, *ego fidelis*, qui rite sum absolutus à peccatis meis, sum consecutus gratiam, non potest credi fide divinâ, quia tantum probabile est me esse rite absolutum, neque de

eo potest haberi sufficiens certitudo, ergo prudenter non possum mihi de eo imperare assensum fidei super omnia firmum: similiter non possum per actum omnimodè absolutum credere hanc determinatè hostiam esse consecratam, quamvis enim hæc universalis sit revelata, *Christus est præsens sub omni hostia rite consecrata*, tamen probabile tantum est hanc determinatè hostiam esse rite consecratam, posset enim, qui consecrare debuit, non habuisse intentionem, omisso verbum aliquod, non esse rite baptizatus vel ordinatus &c. nos autem credimus hanc determinatè hostiam esse consecratam sub conditio-
ne implicita, si adfuerint necessaria: aliquis ta-
men imprudenter faceret, si ad hanc condi-
tionem se reflecteret, quando vult de hoc elice-
re actum fidei, multò minus debet de eo cogita-
re, quando adorat hostiam, nam adoratio fieri
debet absolutè, supponit enim duos actus, nem-
pe actum fidei, qui implicitè includit eam con-
ditionem, & actum prudentiæ, qui dictat non
posse hic & nunc dubitari de vera consecratione,
cùm non occurrat prudens motivum dubitan-
di, adeoque jam intelligitur purificata illa con-
ditio, & ideo adoratio procedit absolutè & sine
conditione, uti rectè *Carden. C. 2. 3.* Ille non est
martyr, qui moritur pro aliqua veritate, quam
tantum probabiliter judicat esse de fide, uti plu-
ribus ostendit *Carden. à n. 82.* Si autem moraliter
certum fit, quòd aliqua propositio particularis
contineatur in universalis revelata, poterit illa
particularis credi, v.g. hæc est universalis reve-
lata, *Omne Concilium legitimè congregatum est infal-
libile in materia fidei & morum*; sumus autem mo-
raliter

raliter certi , quòd Concilium Tridentinum legitimè fuerit congregatum , ideoque credere possumus & debemus esse infallibile : illa autem moralis certitudo debet esse talis , ut necessariò & semper excludat omnem prudentem formidinem de opposito , ideoque debet velut certum supponi , quòd illa particularis contineatur in uniyersali. Quòd si aliqui A A dicant aliquid esse de fide , alii hoc negent , utì multi docent esse de fide , quòd hic *Clemens XI.* sit verus Papa , alii autem negant id esse de fide , putat *Carden. C. 5.* hoc credi posse ab illis , qui hoc asserunt ; è contrà *Lugo* probabiliùs dicit tale objectum non posse credi , quia cùm sententia illa affirmante stat judicium de probabilitate alterius sententiæ , adeoq; de opposito est formido , quæ excludit fidem : huiusque A.A. tantùm dicunt probabile esse , quòd illud objectum spectet ad fidem , sed non ideo debent vel possunt illud credere. 4. Sententia illa , quæ docet in eodem intellectu posse simul stare fidem , opinionem & scientiam , non est ideo damnata , utì malè infert *Hozes* , falsum enim est , quòd formido actualis semper adfit opinioni , utì suppono ex philosophia.

§. 5. Prop. 22. ab eodem *Innoc. XI.* damnata 7
est hæc , non nisi fides unius Dei necessaria videtur necessitate medii , non autem explicita remuneratoris. Ex qua damnatione constat , de necessitate medii ad salutem etiam requiri fidem de eo , quòd Deus sit retributor bonorum & malorum , utì n. 19. dicetur , hinc absolutè rejici debet *Filguera* , apud *Carden. d. 15. c. 5.* dicens posse justificari & salvare hominem , quamvis nihil cogitet de Deo ut remuneratore , dummodo cum amet super

A

omnia,

omnia, èò quòd fides virtualiter continetur in charitate tanquam in forma perfectiore & eminentiore; nam ex consensu SS. PP. & Theologorum prærequisitur actus formalis fidei de Deo ut remuneratore, ut ostendetur n. 23. & 24. ergo sententia illa sustineri non potest, nam secundum illam non esset opus unquam præcessisse ullum actum fidei, nequidem de existentia Dei: Controvertunt tamen adhuc aliqui, an necessaria sit fides Dei ut remuneratoris supernaturalis, nam *Hurt.* d. 43. f. 7. citans alios, putat sufficere fidem remuneratoris, abstrahendo à naturali & supernaturali, sed communius tenent alii cum *Mauro* q. 142. n. 11. & *Esp.* q. 128. requiri fidem de remuneratione in se & specificatiè supernaturali, quamvis per fidem non attingatur signatè ut supernaturalis, idque rectè probat *Lugo* D. 12. N. 131. quia debet cognosci Deum esse remuneratorem per vitam æternam in cœlo, cùm Deus hanc solam de facto revelaverit & promiserit, illa autem est supernaturalis, ergo.

§. 6. Prop. 23. ab eodem *Innoc. XI.* damnata est hæc, fides latè dicta ex testimonio creaturarum similive motivo ad justificationem sufficit: Circa quam damnationem, *Notandum est*, AA. aliquos dividere fidem, in strictè & latè dictam; fidem strictè vocant, si sit assensus ad objectum revelatum ex motivo authoritatis Dei revelantis & propriè loquentis; fidem latè vocant, quamicumque cognitionem supernaturalem objecti credendi, ex quo cunque tandem motivo eliciatur, aut saltem si eliciatur ex motivo à creaturis desumpto, in quantum Deus per eas dici potest aliquo modo

&

&impropriè nobis loqui , utì fusè explicat *Lug.*
D. 12. N. 9. hoc supposito, certum est ex ista damnatione , ad justificationem requiri actum conceptum ex motivo formalí fidei Theologicæ , quod est authoritas Dei dicentis , & de hoc plura N. 23.

§. 7. Prop. 64. ab eodem *Innoc. XI.* damnata est hæc , *absolutionis capax est homo , quantumvis latet ignorantiā mysteriorum fidei , & etiam si per negligētiā etiam culpabilem nesciat mysterium SS. Trinitatis & Incarnationis Domini nostri Iesu Christi.* Hac damnatione non obstante certum est , quod ille sit capax absolutionis , qui ignorat aliqua mysteria fidei , multa enim sunt , ad quæ explicata credenda non tenemur , uti quod Christus fuerit sepultus in sepulchro novo ; aut licet temerari credere , non tamen semper tenemur in ordine ad absolutionem : quænam autem teneamur credere ante absolutionem sacramentalem , dicetur N. 19.

§. 8. Prop. 65. ab eodem *Innoc. XI.* damnata est hæc , sufficit illa mysteria semel credidisse. Ex hac damnatione constat , non sufficere ad præceptum divinum implendum , si semel circa illa elicuerimus actum fidei , nam tenemur sæpius , ut rectè *Carden. D. 42. C. 2.* quoties autem & quando , dicetur ad C. sequens : De aliis propositionibus damnatis dicetur in qq. seqq.

Q. 3. *An fides omni planè homini sit ad salutem necessaria in necessitate mediū.* R. Ita necessariam esse omni adulto ratione utenti , uti habet communis cum *S. Thom. 2. 2. q. 2. a. 3. Valen. D. 1. q. 2. p. 2. Ovied. Contro. 7. p. 2. Lug. D. 12. §. 1.* sic enim i. ad *Corint. 1. v. 21.* dicitur , *plausus*

Sicut Deo per stultitiam prædicacionis salvos facere intendentes : Semper autem ita fuisse necessarium, inde probatur, quia omnibus in peccato etiam originali tantum existentibus necessaria est ad salutem necessitate medii justificatio, sed ad justificationem hominis adulti ratione utentis prærequisitur fides, uti ostendetur à n. 14. ergo. Dixi i. adulto, nam puer baptizatus salvatur sine fide actuali, uti Catholici omnes tenent contra Lutherum & sequaces : imò probabilitus tenent Suar. D. 12. sect. 2. n. 10. Lug. n. 3. Pennaf. D. 8. n. 2. quod puer baptizatus, si statim moriatur post acquifitum uolum rationis, antequam audierit de rebus credendis, sit salvandus sine actuali fide, quia est in gratia, & non moritur ut adultus, cum moraliter respectu credendorum sit adhuc puer: imò Merat. D. 9. S. 1. & Platel. n. 219. videntur adhuc plius velle, nam dicunt absolute, si homo talis moriatur in gratia, salvandum, neque addunt, an statim an diu post moriatur, & videtur idem sentire. Orie. n. 15. Maurus q. 141. n. 11. licet Grana. t. 10. D. 1. n. 9. Tann. aliquie cum Basso in floribus t. 1. v. fides n. 5. dicant ejusmodi puerum, quamvis statim moriatur, non salvandum, & spectare ad Dei providentiam facere de eo, quod volet. Dixi 2. ratione utenti, nam perpetuo fatui possunt sicuti infantes per baptismum justificari sine fide actuali, & reipsa hi non censemur adulti.

¶ 2. Obj. 1. Homo baptizatus, etiamsi diu in gratia vivat post annos discretionis nec eliciat fidem, si moriatur in gratia, est amicus & filius adoptivus Dei, ergo debetur illi regnum & hereditas, adeoque salvabitur. R. Moritur amicus

Dei,

Dei, sed non debetur omni amico hæreditas, ut
patet: deinde moritur filius adoptivus, ideoque
habens jus in actu primo & inchoatum ad hæ-
reditatem, sed non completum, sic enim, licet
quis sit filius naturalis, potest adhuc ob causas
excludi hæreditate. Breviter sic distingui potest,
filius habet jus ad hæreditatem, si sit naturalis,
transeat, si sit adoptatus, subd. habet jus, si po-
natur conditio, sub qua promissa est hæreditas,
C. si hæc non ponatur, N. conditio autem est
fides actualis. *Inst.* Durum nimis est, hominem
in gratia constitutum non salvari defectu solius
fidei actualis, si de fide nihil audiverit. *R. 1.* Neque
casum eventurum in hac providentia: tamen
R. 2. Si vivat secundum legem naturæ, faciat-
que, quod in se est, Deus non deerit, qui per ho-
minem aut saltem per Angelum proponet cre-
denda, uti hahet *S. Th.* de verit. q. 14. a. 11. ad
1. Et de hoc mira divinæ providentiæ exempla
leguntur; potestque videri *Gonz.* D. 6. n. 46. &
91. Unde nec talis instructio dici debebit strictè
miraculum, quia hanc exigent leges ordinariæ
providentiæ Dei, volentis omnibus dare auxilia
sufficientia, uti rectè *Suar.* *Vas.* *Arriag.* *Valen.*
Ruiz apud Ripald. D. 17. n. 191. cum *Gon.* supra.

Obj. 2. Quod est necessarium necessitate
medii, debet influere in primam gratiam, uti fu-
sè disputant *Lug.* de Euch. D. 3. S. 1. & *Dicast.* de
bapt. D. 1. Dub. 10. atqui fides actualis non est a-
liquid influens in primam gratiam hominis ba-
ptizati, nam præsupponitur eam habere, ergo
talies fides actualis non est medium necessarium
ad salutem. *R. 2.* N. maj. potest enim aliquid esse
necessarium, quia Deus ex alio fine requisivit,

¶. g.

v.g. ut agnoscatur modo debito tanquam existens & remunerator &c.

34 Q. 4. An & qualis fides de necessitate mediū prequiratur ad justificationem ; item ad meritum aliosque actus supernaturales. R. Quod dicemus de fide , valet cum proportione de spe , uti patebit ex seqq.

§. 1. Aliquam fidem prærequiri ad justificationem , est certissimum , nam ad Hebr. 11. v. 6. dicitur , sine fide autem impossibile est placere Deo : ad Galat. 2. ex operibus legis non justificatur omnis , sed per fidem : Idem constat ex omnibus locis scripturaræ , quibus significatur , quod fides disponat ad justitiam : hinc Trident. sess. 6. c. 7. loquens de fide , ait , sine qua nulli unquam contigit justificatio : similia habent Conc. Araus. & Miler. apud Valent. d. 1. q. 2. p. 1. In eum sensum dicit S. August. Serm. 38. de temp. fides est humanæ salutis initium ; sine hac nemo ad filiorum Dei consortium potest pervenire , quia sine ipsa nec in hoc sœculo quisquam justificationis consequitur gratiam , nec in futuro vitam æternam possebit . Similiter loquuntur SS. Irenæ. Basil. Ambr. Leo apud Valen. p. 2.

15 §. 2. Non sufficit fides in voto , sed requiri-
tur fides in re , uti patebit ex dicendis . Nec obstat ,
quod sufficiat baptismus in voto , nam de baptis-
mo scimus aliunde , cùm scriptura dicat prov. 8.
diligentes me diligo , &c. ex quo colligunt SS. PP.
ad salutem sufficere Votum baptismi inclusum
in dilectione Dei , quando baptismus in re susci-
pi non potest : Similiter Trident. sess. 6. C. 4. ex-
pressè dicit , sine lavacro regenerationis aut ejus
voto fieri non posse primam justificationem , ni-
hil autem simile legitur de voto fidei ; & diversi-
tatem colligit S. Bernard. Epist. 77. ex verbis
Christi

Christi Marci ultimo, qui crediderit & baptizatus fuerit, salvus erit, qui vero non crediderit, condemnabitur; ubi cum statuta esset necessitas fidei & baptismi, postea non dicitur, qui non fuerit baptizatus, condemnabitur, sed tantum dicitur, qui non crediderit: & congruentias affert *Suar. D.* 12. S. 2. à n. 10. quarum præcipua est, quia contritio vel amor supernaturalis causat gratiam, ergo supplet causalitatem baptismi: è contrà in homine nulla datur cognitio supernaturalis, quæ suppleat agnitionem certam & supernaturalem objectorum credendorum, Dei existentis & remuneratoris, unde patet respectu adulti majorem esse necessitatem fidei in se, quam baptispi in se.

§. 3. Non sufficit fides habitualis, idest, semel habita & non retractata, sed requiritur vel formalis vel virtualis, ut postea dicetur: Per hoc autem distinguitur virtualis à formali, quod formalis sit actus præsens fidei perceptibiliter tendens in objectum materiale propter formale, nisi advertenter dicam, credo Deum esse Trinum, quia Deus dixit, qui est infinitè sapiens & verax. Virtualis est, si quis aliquando habuerit explicitam fidem circa mysteria credenda, illamque adhuc ita retineat, ut permaneat in aliquo saltem suo effectu. Rem explicat *S. Th. de charit. q. un. a. 11. ad 2. exemplo medici*, qui colligit herbas ad faciendam potionem, licet de sanitate, ad quam colligit, fortè non cogitet, aut non advertat se cogitare: & 1. 2. q. 1. a. 6. ad 3. exemplo itinerantis, qui pergit, quod tendit, licet de eo loco non semper expressè cogitet: idem explicat *Carden. d. 15. à n. 32. in exemplo spei*

spei, nam agricola arat, seminat, occat, non ideo semper expressè memor fructuum, ob quos habendos ista facit, nihilominus cùm aliquando habuerit spem illam, & ex ea motus fuerit ad colendum agrum, quamvis postea, quando ista facit, non amplius ita cogitet de hac spe, tamen habet illam virtualiter, alioquin non faceret ista; in hoc autem consistit illa virtualis spes, quòd illa seminatio sit effectus imperatus & causatus ab illa spe fructuum, unde spes illa dicitur virtualiter permanere in effectu illo, nempe in seminatione: Idem explicat Carden. D. 16. n. 54 exempli philosophi, qui tenet conclusionem, quam didicit, licet actu expressè non recordetur fundamenti, propter quod ad illam est inductus. Manet autem controversum, quid re ipsa sit talis virtualis fides: aliqui dicunt esse effectum à fide actuali causatum, distinctum ab omni actu fidei in se, & permanentem in serie actionum à fide illa præterita trahentium originem: alii probabilius dicunt esse aliquem fidei actum, sed tenuem & imperceptibilem, quales actus certum est nos saepe habere, nam qui ex usu facilimè ludit Cytharā, habet actus imperceptibiles & regulas in mente, quibus lusus ille dirigitur; item qui expeditè loquitur latinè, dirigitur actu regulis, quas olim didicit, licet nunc ad eas expressè non attendat, nec advertat vel percipiat se illas in mente sua habere: & in hac sententia fides actualis dividitur in formalem & virtualem, siveque omnis fides virtualis est re ipsa actualis, cùm sit actus fidei, qui quia non est ita perceptibilis, & sequitur ad aliud priorem magis expressum & perceptibilem, dicitur tantum virtualis, seu in virtute permanens.

§. 4

§. 4. Certum est ad justificationem hominis, ¹⁷
 qui vel nunquam habuit actum fidei, vel fidem
 amisit per peccatum oppositum, prærequiri a-
 ctualem fidem, uti latè ex scriptura PP. & ratio-
 ne demonstrat Càrden. d. 15. c. 2. & d. 16. c. 5. &
 6. talis enim homo nullam habet fidem, nequi-
 dem habitualiter, cùm eam vel nunquam ha-
 buerit, vel abjecerit, sine fide autem impossibi-
 le est placere Deo vel ad Deum accedere.

§. 5. Non tantùm ad primam justificationem ¹⁸
 in baptismo, sed etiam ad quamvis aliam justifi-
 cationem in Sacramento pœnitentiae vel vi con-
 tritionis obtinendam præquiritur fides saltem
 virtualis secundùm dicenda n. 25. Ita docent
 Trident. Sess. 6. c. 6. & 7. ubi postquam explicasset
 necessitatem fidei ad primam justificationem, c.
 8. explicans in genere, quomodo impius per fi-
 dem dicatur justificari, dicit ideo esse, quia fides
 est humanæ salutis initium, fundamentum & radix
 omnis justificationis, sine qua impossibile est placere
 Deo & ad filiorum ejus consortium pervenire.

Catech. Rom. de Sacram. pœn. c. 1. n. 3. in eo,
 quem pœnitit, fides pœnitentiam antecedat necesse est :
 & subdit docens quibus viis ad virtutem pœni-
 tentiae perveniatur, primum itaque Dei misericordia
 nos prævenit, &c. deinde hoc lumine illustrati, per fi-
 dem ad Deum animo tendimus &c.

S. Ambr. de pœn. I. 1. c. 1. nemo enim potest bene
 agere pœnitentiam, nisi qui speraverit indulgentiam :
 certum autem est fidem præquiriri ante spem,
 uti postea dicetur.

S. Th. in 4. d. 14. q. 1. a. 2. ad q. 2. motum pœ-
 nitentiae præcedit motus fidei, quia accedentem ad De-
 um oportet credere, ad Hebr. II. & iterum motus spēi

conunctus motui timoris , per quem fit estimatio de possibilitate veniae consequendæ.

Clerus Gallicanus in Gener. Conventu in Palacio San-Germano anno 1700. die 4. Sept. in declaratione de dilectione Dei in Sacram. pœn. ne quis putet in utroque Sacramento (baptismi & pœnitentiæ) securum se esse , si præter fidei & spei actus non incipiat diligere Deum tanquam omnis justitiae fontem.

Suarez de gratia l. 8. c. 15. n. 1. Supponimus primam dispositionem ad justitiam esse actum fidei. N. 3. Dicendum est illam fidem , quæ est justitiae fundamentum , esse fidem intellectus , idest , assensum firmum in revelatione divina fundatum. N. 7. Dicendum est hanc fidem intellectus esse primam dispositionem ad justitiam. C. 18. n. 2. certum est præter fidem necessarium esse actum spei , ut impius ad suam justificationem disponatur. Rationem dat n. 3. quia justificatio & indulgentia peccatorum non est humanum opus , quod viribus hominis fieri aut comparari possit , sed à Deo est exspectandum juxta promissa ipsius , ergo non potest convenienter conari ad remissionem peccatorum obtinendam , nisi firmiter speret illam esse obtenturum &c. C. 19. n. 6. dico ergo neminem posse moveri ad agendam etiam imperfectam pœnitentiam & cum Sacramento sufficiendum , nisi prius de venia obtainenda cogitet & illam sperret.

Vasquez in 3. p. q. 85. a. 5. d. 2. n. 14. loquens de virtute pœnitentiæ , semper incipit à fide & spe , respicitque Christi merita ; quibus credit & sperat hanc faciendam esse compensationem peccari.

Ruiz de provid. d. 19. l. 3. n. 6. fides est initium totius dispositionis ad justificationem. Probat n. 8. quoniam ante fidem nihil supernaturale reperi potest nisi

nisi gratia vocans & excitans ad fidem , & quidquid naturale reperitur , nihil valet , ut ad justificationem disponat. D. 24. s. 2. n. 6. quælibet pœnitentia utilis , sive inchoata sive perfecta , supponit fidem supernaturalem. N. 10. ex supernaturali fide procedere debent quæcumque opera misericordiæ , ut peccatoribus obtainere valent gratiam & remissionem mortalium peccatorum. N. 17. Opera misericordiæ utilia ad justificationem sunt per se indigentia supernaturali auxilio & per se supponentia fidem. S. 3. n. 9. loquens de Cornelio centurione , latrone , Zachæo &c. divinâ gratiâ preveniente & adjuvante conceperunt prius fidem , unde verò virtute gratiæ atque fidei orabant , donabant elemosynas & cetera opera pietatis exercebant , quæ nihil valerent ad justificationem , nisi procederent ex illâ radice.

Turrianus de gratia opusc. 4. d. 2. d. 1. communis sensus est ad justificationem esse necessarium actum fidei , & non sufficere solam legis notitiam , ut probavi 2.2. tom. 1. d. 25. & docuit S. Th. 1. 2. q. 113. a. 4. ad 2. An verò iste actus sit necessarius necessitate medii vel precepti , explicavi in ea disp. dub. 2. ubi probavi esse necessarium aliquem actum fidei necessitate medii , si justificandus est adulterus. Disp. 3. d. 1. certum est actum spei esse necessarium ad justificationem , ut definir Trid. Sess. 6. c. 6. & ratio est , quia qui considerat sua peccata & credit esse digna pœnâ , nisi speraret divinam misericordiam , non moveretur ad justificationem , ut bene explicuit P. Vasquez 1. 2. d. 210. c. 2. In 2. 2. tom. 1. d. 41. d. 5. quod verò fides dicitur initium omnis justificationis , de omni justificatione adulorum intelligendum est : cuius rationem dat n. 8. quia spes non posset esse firma & certa , nisi cognitionem aliquam , certam supponat , non est autem certa cognitio naturalis ordinis ,

ut requiritur ad spem supernaturalem, ad quam tamen idonea est fides, & eadem ratione probatur fidem esse priorem ordine generationis aliis virtutibus supernaturalibus. Lugo d. 12. n. 44. sequitur esse obligationem eliciendi fidei actum, quando homo vult se ad justificationem in Sacramento comparandam preparare, quia debet premittere detestationem absolutam & efficacem suorum peccatorum, ad quam debet precedere actus fidei. Castrop. tr. 4. d. 1. p. 10. §. 8. n. 3. Ratio, quare hic actus fidei necessarius sit ad justificationem, est, quia nemini adulto & ratione utenti contigit justificatio, nisi justificationem speret & de peccatis doleat &c.

Dicastillo de pœn. d. 6. n. 17. pœnitentia utilis ad justificationem debet esse fundata in fide, nec enim est vera pœnitentia, id est, verè disponens ad justificationem, nisi quæ fundatur in fide, & quæ ex fide procedit, juxta Auctorem, qui habetur apud Aug. de vera & falsa pœn. c. 2., nam actus, qui ex fonte fidei non procedit, non potest placere Deo ad supernaturalem finem justificationis, ut docet verus Aug. l. 4. contra Julianum c. 18. in fine, & in simili S. Leo serm. 7. de iunio, nulla aurem ratio est, ob quam pœnitentia, quæ disponit ad justificationem, fundari debeat in fide & ex fide procedere, nisi quia effici debeat ex aliquo motivo supernaturali transcendentie limites rationis naturalis, ex quo motivo voluntas operari non potest nisi per fidem.

Esparsa de pœnit. q. 80. a. 2. certum est aliam pœnitentiæ non esse primum tempore, quia necessarium illum precedunt actus fidei & sp̄ei, ex quibus dependet.

Hiquæus ad Scotum in 4. d. 14. q. 2. n. 110. nullus monovetur ad pœnitentiam, nisi ex regula fidei & dilectione, neque ad pœnitentiam inclinatur voluntas,

nisi ex
cati.

El
ergo si
8. loc
penit

M
cacute
tuos,
mitte
cani.

R
natur
medi
uno
sit.

H
actu
finf
misre
elici

T
effid
Sacr
stare
non p
fitia
sita.

S
præ
poni
mer

C
sunt

in tamen fidem esse
per natu-
rationem
justifica-
re, quia
efficacem
e actus fi-
cio, quare
est, quid
catio, nse
utilis ab
c enim
stificatio-
de proce-
g. de ver-
fidei non
ralem si-
contra fu-
. 7. de je-
tia, que
infidei
quo moti-
s natura-
iisi perfi-
eft actuam
necessario
us depen-
o. nullus
i & di-
oluntas,
nisi

ni si ex fiducia divinae misericordiae & remissionis peccati.

Elizalde in doctr. morum l. 7. q. 9. §. 2. in fine, ergo sine hac fide nullus justificatur peccator. Q. 11. §. 8. loquens de fide ait, sine qua nulla est possibilis vera penitentia & justificatio.

Maurus de justif. q. 81. n. 24. non possumus efficiaciter & absoluere nos velle dare Deo ut amicos perpetuos, nisi ex fide, quam credamus Deum offerre ac promittere suam amicitiam, adeoque remissionem peccati.

Rhodes d. 2. q. 3. f. 4. §. 1. Dico 1. Fidem supernaturalem & propriam ita esse necessariam necessitate modii ad justificationem & salutem, ut sine aliquo intentio eius aetui nemo iustificari unquam aut salvandi possit.

Herinx D. 7. n. 77. per accidens obligatur quis ad actu fidei eliciendum, dum in stat pceptum, quod sine fidei impleri non potest, puta dilectionis, contritionis vel attritionis, qui aetus sine directione actuali fidei elici non possunt.

Todtfeller q. 57. §. 4. Radix omnis iustificationis est fides. Platelius de Sacram. n. 727. loquens de Sacramento poenitentiae, sine actibus fidei & spei stare nequit hoc Sacramentum, eo quod sine illis haberi non possit supernaturalitas & efficacia doloris ac propria ad huius Sacramenti substantiam essentialiter requirita.

Stoz l. 1. p. 2. n. 19. ad veram contritionem, prout prescindit a perfecta & imperfecta, necessario presupponuntur actus fidei & spei de venia peccatorum per merita Christi a Deo obtainenda.

Gormaz de pæn. p. 1. n. 343. actus fidei & spei sunt dispositiones a Deo destinatae in hac providentia pro

adulti iustificatione in quocumque casu. Eadem repetit p. 2. n. 300.

Gobat in Exp. t. 7. n. 621. Ioquens de pœnitente moribundo, potuere adesse supernaturales actus sp̄ei, dilectionis, contritionis, fundati in ea fide.

Taberna p. 1. tr. 5. c. 2. aliqua fides actualis necessaria est necessitate mediæ ad iustitiam recuperandam.

¶llung de Sacram. in genere, n. 49. dispositio ad suscipienda Sacra menta mortuorum cum effectu gratiæ ab ipsis causandæ, in adultis necessaria, sunt actus fidei, sp̄ei, propositi &c. ita communis & certa Theologorum sententia: probatur ex Trid. Sess. 6. c. 6. ubi enumeratos actus pro dispositione ad baptismum expressè requirit; & Sess. 14. c. 4. ubi eosdem actus exigunt ad Sacramentum pœnitentiæ, utrobiusque allegans testimonia scripturæ. Non est operæ pretium plures referre, nullum enim puto esse, qui in re differentiat.

Ratio jam sæpe insinuata est, quia ut dolor sufficiat ad pœnitentiam, & consequenter ad iustificationem, debet esse supernaturalis, uti certum est, & probabitur l. 6. t. 4. c. 1. ad dub. 2. non erit autem supernaturalis, nisi præcedat fides & spes, uti habent Auctores citati, & Conf. nam dolor, qui ad iustificationem requiritur, est vel contritio vel attritio, sed ad utramque prærequiruntur fides & spes: in primis ad contritionem, nam fides & spes, inquit S. Th. 1. 2. q. 65. a. 5. ad 2. secundum propriam rationem præsupponuntur ad charitatem, & consequenter ad contritionem, ideoque etiam Suar. de gr. I. 1. c. 35. n. 24. docet amorem supernaturalem indigere per fidem & spem proprio principio supernaturali physicè adjuvante potentiam: neque fieri potest

mora-

moraliter , ut voluntas in hac natura corrupta
immediatè assurgat ad perfectum amorem , quæ
lis est contritio , nisi priùs erigatur per spem su-
pernaturalem , uti rectè S. Th. suprà O. Suar. de
gr. l. 8. c. 19. n. 6. Lugo d. 12. n. 110. Palau. de
poen. n. 101. Maurus de justif. q. 81. n. 24. spes
autem , uti & charitas , ratione sui supponit fi-
dem , quæ certò & proportionatè proponat ob-
jecta supernaturaliter speranda & amanda , uti
de spe ostendunt Con. d. 14. n. 107. & Eſp. q. 32.
de utraque autem habet S. Th. 2. 2. q. 4. a. 7. na-
turalis cognitio non potest attingere ad Deum , secun-
dum quod est objectum beatitudinis , prout tendit in ip-
sum ſpes & charitas. Deinde actus fidei & ſpei et-
iam prærequiruntur ad attritionem , uti expre-
ſe Maurus q. 243. n. 29. nam attritio , ordinariè
ſaltem prout elicitur à rudioribus , eſt , aut fun-
datur in ſpe præmii , aut in metu poenæ , qui et-
iam ad ſpem pertinet : & universaliter de omni
attritione , etiam de illa , quæ concipitur ex con-
ſideratione turpitudinis peccati , dicit Trident.
ſess. 14. c. 4. poſſe eſſe ſupernaturalem & diſpo-
nere ad gratiam in Sacramento , ſi fit cum ſpe
veniæ , ſpes autem supponit fidem , uti dictum
eſt , ergo .

§. 6. Ad attritionem ſupernaturalem , prout
ordinariè elicitur ex ſpe præmii vel ex metu poenæ ,
neceſſarium eſt , ut priùs per fidem ſuperna-
turalem cognoscamus hæc objecta , 1. Deum eſſe ,
à quo ſperatur præmium vel timetur poena. 2.
Deum eſſe remuneratorem bonorum per præmia ,
& punitorem malorum per poenas : & hæc duo
constant ex Apost. ad Hebr. 11. v. 6. & ex dictis n.
18. 3. Animam noſtram eſſe immortalem , uti habent

B 4

Suar.

Suar. h̄c d. 12. f. 3. n. 19. *Con.* n. 122. *Lugo* n. 125. anima enim nostra est, cui pro altera vita debet sperari præmium vel timeri pœna. 4. *Gratiam Dei esse necessariam ad salutem*, uti recte *Con.* n. 123. nam speratur, adeoque credi debet remuneratio supernaturalis, uti recte *Suar.* n. 8. & 11. *Con.* n. 106. aliique apud *Lugo* n. 127. qui n. 131. consentit: hinc etiam *Gran.* tr. 10. d. 2. n. 4. ad justificationem requirit fidem Dei ut Auctoris supernaturalis, quod etiam volunt *Cajet.* & *Canis* apud *Lugo* n. 123. Et ratio ulterior est, quia voluntas non posset erigi ad spem veniae & salutis firmam super omnia, nisi præiret certa cognitio gratiarum ex meritis Christi, sine quibus nihil possumus conducens ad salutem, uti recte *Con.* & in re consentit *Suar.* n. 19. ideoque etiam *Trid.* sess. 6. c. 6. dicit impium credere se justificari per gratiam & redemptionem, quæ est in Christo: consequenter, 5. Credere debet Christum, sive per fidem cognoscere aliquam e SS. Trinitate personam esse pro nobis factam hominem, quod vult *S. Th.* 3. p. q. 70. a. 4. O. dicens usque adeo in Circumcisione datam esse gratiam ex virtute fidei passionis Christi; & q. 85. a. 3. ad 4. dicit pœnitentiam esse cum fide passionis Christi: similiter *Bellar.* de pœn. I. 1. c. 2. dicit justificationē fieri cum fide meritorum Christi: *Vasq.* suprà ait, *fides illa semper respicit Christi merita, quibus credit & sperat*: *Con.* n. 163. requirit fidem Christi ut Salvatoris: *Stoz* relatus n. 18. requirit fidem & spem de venia peccatorum per merita Christi: *Sasbou* hom. in Dominic. 2. quadrag. pag. 150. ait, quosdam semper accuratissime confiteri, & tamen nunquam ad confessionis

fru-

fructum pertingere, quia, quod præcipuum est, negligunt, nimirum fidem in Christum, quam diximus complecti & certam persuasionem de misericordia Salvatoris & fiduciam de impetranda misericordia. Putat tamen Suar. f. 4. n. 11. per solam fidem Dei ut remuneratoris supernaturalis posse sufficienter dari justificationem cum ignorantia invincibili Christi; quod verum est spectatâ naturâ rei, quid autem Deus circa hoc statuerit, est incertum, nam sicuti voluit Christum esse unicum Justificatorem, ita pro illius gloria potuit fidem de illo prærequirere ad justificationem, & re ipsa præquisivisse docent Auctores citati. 6. Per eandem fidem cognosci debet objectum spei materiale & formale, scilicet promissa esse illa præmia, quæ speramus à Deo fidelissimo & potentissimo servare sua promissa; item intentatas esse peccas illas, quas timemus à Deo justissimo vindice.

Ratio horum omnium est, quia nisi ista omnia certè & proportionatè cognoscantur, voluntas non poterit erigi ad spem firmam vel ad metum efficacem & supernaturalem, consequenter nec ad attritionem supernaturalem ex tali spe vel metu, seclusâ autem fidei supernaturali non potest dari cognitio illorum certa & proportionata, id est, supernaturalis, ergo. Et quod de ista attritione dictum est, applicandum est cum proportione cuicunque dolori supernaturali ad justificationem requisito, ad quem necesse erit per fidem proponi illius ipsius doloris objecta: estque valde probabile, quod voluntas in hac infirmitate naturæ corruptæ vix unquam immediatè emoveatur ad contritionem vel dolorem sufficientem, quin debeat excitari prius vel jet-

vari per spem præmii aut metum pœnæ , atque ita ad omnem dolorem , qui supernaturalis sit & sufficiat cum Sacramento , prærequitetur cognitio istorum objectorum per fidem , ad quam sequatur dicta spes vel metus.

20 §. 7: An , & quorum objectorum fides explicita requiratur ad justificationem , non potest ita facilè definiri : *Malder.* & *Bonac.* in Decal. d. 3. q. 2. p. 2. n. 9. putarunt sufficere implicitam , quæ simul habetur cum actu doloris , sed non explicitant , quid intelligent per fidem implicitam , nam in primis ex hac tenus dictis constat requiri fidem explicitam saltem de Deo existente & remuneratore , hinc *Ovied.* controv. 7. n. 33. ait , *in omni statu necessaria est fides explicita Dei , non solum ut existentis sed etiam ut remuneratoris ; pro qua conclus.* citat *Suar.* *Turr.* *Con.* *Gran.* *Tann.* *G. Hart.* , *Carden.* d. 41. n. 11. ait , constat fidem explicitam Dei ut remuneratoris retributione æternâ , esse medium simpliciter necessarium ad justificationem : infert , ergo qui ignorat , etiam invincibiliter , non est capax absolutionis : *Platelius* n. 226. licet credens Deum esse summe bonum , absolute & physicè possit elicere & etum supernaturalem amoris Dei super omnia , quamvis nesciat ipsum esse remuneratorem , atque ita justificari sine fide explicita Dei ut remuneratoris , id tamen non potest ex hypothesi presentis providentiae , quâ Deus statuit non dare auxilia ad actum proximè iustificativum , nisi mediante fide de Deo remuneratore : addit , moraliter fieri non posse in natura corrupta , ut sine spe eliciatur amor Dei , nulla autem potest esse spes , sine aliqua fide explicita Dei , ut remuneratoris . Deinde , si requiratur fides implicita , uti *Malder.* & *Bonac.* requirunt , hæc non potest

potest esse , nisi adsit aliqua explicita , in qua de aliis objectis habeatur implicita , uti qui explicite credit , quidquid Deus dixit , credit implicitè omnia revelata , cum autem reliqua objecta fidei etiam occurrere debeant homini justificando , facile aderit explicita , saltem virtualis , etiam aliorum objectorum .

Arriaga dicit sufficere saltem fidem implicitam de necessitate gratiæ , quam *Lugo* dicit sufficienter haberi per hoc , quod credat Deum esse supremum remuneratorem , à quo per gratiam ejus speremus salutem æternam : *Gran.* suprà dicit requiri fidem explicitam Dei ut Auctoris supernaturalis , quod nempe sit bonum quoddam ipsum , à quo provenire nobis debent beatitudine supernaturalis , remissio peccatorum & dona ad beatitudinem obtinendam necessaria : *Con. n. 123.* ait , debet explicitè credere se non posse suviribus à miseriis erui , & æterna illa præmia consequi : *Suar. s. 3. n. 19.* dicit requiri sufficientem fidem explicitam de necessitate gratiæ , quam tamen fidem dicit satè haberi per hoc , quod credat in Deum ut justificatorem , nec requiri diversos de his conceptus : Addit , fidem de hoc ita explicitam , ut per distinctos conceptus habeatur , dici posse per se & regulariter , vel , ut alii loquuntur , in voto necessariam , non tamen semper in re & actualiter .

Bernal de Sacram. d. 2. n. 79. putat fidem expressam SS. Trinitatis pro lege veteri & nova fuisse ac esse necessariam ; *Oried. p. 3.* probat omnes etiam in lege veteri indiguisse justificatione per fidem in Christum : *Maurus n. 11.* requisivit explicitam Christi ut mediatoris ; reliqui cum S.

Th.

Th. 2. 2. q. 2. a. 7. ad 3. communiter dicunt tum suffecisse implicitam: nunc autem in lege nova post promulgatum sufficienter evāngelium requirunt explicitam de Incarnatione & Trinitate
S. Th. a. 7. & 8. Thomistæ communis cum Gon-
net d. 6. n. 67. & alii gravissimi Auctores cum
Mauro à n. 45. Carden. n. 3. Mendo in stat. d. 1. q.
1. & licet alii multi, etiam fortè probabilius, id
negent, tamen ubi agitur de valore Sacramenti,
sententia tutior est sequenda: & præscindendo
ab hoc, certum videtur ex dictis, quod requiri-
tur talis fides, quæ sit, non qualiscumque co-
cognitio illorum objectorum n. 19. relatorum, sed
sufficiat ad emovendam voluntatem, ut actua-
liter erigatur ad spem firmam veniæ peccatorum
& remunerationis à Deo obtainendæ: atque hoc
volunt AA cum Lugo à n. 123. quando ad justifi-
cationem requirunt fidem de illis objectis expli-
citam.

21 *S. 8. Etiam ad omnem actum bonum, sive*
de condigno sive de congruo meritorum præ-
mii supernaturalis, prærequiritur fides: ita do-
cent Concilia, SS. PP. & Auctores communissi-
mè.

Conc. Arausic. II. cap. ult. confitentur, quod in
omni opere bono nos non incipimus, sed ipse nullis no-
stris præcedentibus meritis prius fidem inspirat. PP.
Concilii Milev. in Epist. ad Innoc. quæ apud Au-
gust. est 95. dicunt, quod gratia præveniens, ad
omnem effectum supernaturalem necessaria,
pertineat ad fidem: Trident. sess. 6. c. 7. vocat fi-
dem initium salutis, per quod innuere videtur
esse initium omnis actus ad salutem conduced-
tis.

S. Au-

S. August. de civit. l. 15. c. 20. non est opus bonum , nisi quod procedit ex fide summi Dei. S. Ambr. l. 6. in Lucam c. 7. misericordia præfertur fides , quia misericordia tunc habet meritum , si fide precedente conferatur. S. Gregor. hom. 19. in Ezech. non virtutibus venitur ad fidem , sed per fidem pertingitur ad virtutes. S. Leo f. 7. in quadrag. quod non ex fidei procedit fonte , ad præmia aeterna non pervenit. S. Proþer l. 1. de vocat. gent. c. 24. dicit fidem nullis præcedentibus meritis tribui , sed ad hoc donari , ut principium possit esse meritorum. Similia plura habent etiam alii PP. apud Lugo l. 2.

Suar. de gratia l. 1. c. 35. n. 24. docet amorem supernaturalem (idem est de actibus aliam virtutum) per fidem & spem indigere proprio principio supernaturali physicè adjuvante potentiam ad illum eliciendum : L. 8. c. 15. n. 7. omnis bona operatio ab intellectu inchoari debet. Ruiz de provid. d. 19. f. 3. n. 9. fides est totius impetrationis initium : S. 4. n. 2. fides est initium meriti : hinc S. 5. in ipsis infidelibus requirit aliquam fidem inchoatam & imperfectam , quâ præeunte possint aliquid supernaturale velle circa fidem ipsam consequendam. D. 24. f. 1. n. 18. Oratio , nisi supernaturalem fidem supponat , nihil valet ad impetrandum. Lugo n. 46. omnia merita debent procedere ex fide , ut probant testimonia PP. adducta , qui videntur hoc ipsum sumpsiisse ex modo loquendi sacrae scripture.

Esp.

Eph. de pœn. q. 89. ad 4. actus fidei & spei sunt præquisiti ad actus reliquarum omnium virtutum. Platelius n. 223. ad omnem actum meritorium prærequiritur fides stricta, & quidem supernaturalis, uti recte Lugo & alii communissime contra Vasquez volentem ad meritum de congruo sufficere cogitationem congruam ordinis naturalis, datam tamen ex meritis Christi. Huanoldus n. 396. dicendum cum ceteris Theologis ad omne opus meritorium supernaturale præcdere donum fidei strictè sumptæ. Rhodes suprà, ante fidem nullum omnino esse potest opus, etiam congrue, meritorium vel justificationis vel ipsius fidei: rationem jam dederat antè, his verbis, ad 3. R. non posse in nobis dari adhuc in via cognitionem ullam supernaturalem, quæ vel non sit dependens à fide, vel moraliter non faciat numerum cum fide, idque constare omnino ex Conciliis & Scripturis. Terillus in Reg. morum q. 64. n. 75. quod autem dicitur gratiam non defesse, quâ bona opera evadant supernaturalia, admitti non debet nisi cum limitatione, scilicet quando opera illa per veram fidem supernaturalem regulantur, quia ordo gratiæ hoc postulat, ut bona opera supernaturalia per fidem supernaturalem regulentur. Carden. d. 16. n. 41. est vera sententia, quæ docet sine fide stricta neminem infidelem posse elicere actus supernaturales, antequam perveniat ad fidem strictam: N. 53. veram censem sententiam Cardinalis de Lugo relati, quæ docet nullum opus meritorium vita eter-

ne fieri, nisi procedat ex dictamine fidei supernatura-
lis. Sporer in Dec. tr. 2. c. 2. n. 21. quando cumque
homo tenetur exercere actum supernaturale, v. g.
spei, charitatis, Religionis &c. etiam tenetur habere
actualem fidem. Fagnanus in Cap. firmiter de Sum.
Trin. n. 16. actus virtutum dependet ab actu fidei,
qua intentionem dirigit. Plures AA. adducentur n.
22.

Ratio est, quia ad omnem actum supernatu-
rem, quo mereamur à Deo præmium super-
naturale, prærequiritur cognitio, quâ certò co-
gnoscatur Deus & finis supernaturalis, debetque
cognitio illa esse supernaturalis, nam ex parte
intellectus præcedere debet actus proportiona-
tus, & qualis oportet ad salutem, qui dirigat
voluntatem ad actum supernaturalem virtu-
tum, uti fusè probat Oviedo de gratia controv.
6.p. 4. sed non potest assignari actus, nisi fidei,
aut saltem fundatus in fide, per quam solam
potest certò cognosci finis supernaturalis, ergo.

§. 9. An ejusmodi fides præquiratur ad a-
ctum supernaturalem spei, doloris vel alterius
virtutis, ex natura rei, an tantum ex ordinatio-
ne Dei in hac providentia, manet incertum:
præquiri ex sola ordinatione Dei tenent Ri-
palda d. 17. n. 205. G. Hurt. Oviedo hic controv.
7.n. 33. Con. d. 14. n. 108. Platel. n. 226. Herinx
d. 7. n. 39. Rhod. suprà §. 2. nec dissentit Carden.
d. 16. c. 4. E contrà Lugo s. 5. Palav. aliisque cum
Turr. in select. p. 1. d. 18. dub. 1. & 2. dicunt præ-
requiri ex natura rei; sed hoc nihil facit ad pra-
xim, cum omnes fateantur præquiri de neces-
itate medii, uti rectè Carden. suprà.

§. 10. Fides, quam hactenus requisivimus, ²³
debet

debet esse strictè dicta , secundùm explicacionem
datam n. 8. & colligitur ex prop. 23. ibidem re-
lata. Hoc ipsum expressè tenent *Suar.* & *Rhod.* n.
18. relati , item *Plarel.* *Haun.* *Carden.* relatin. 21.
sequitur *Maurus* q. 141. n. 23. aliique commu-
nissimè : oppositum quidem tenuerat *Ripald.*
de ente supern. d. 20. f. 21. & seqq. iterumque
d. 63. putans sufficere fidem latè dictam , sed
gravissimè oppugnatus à *Lugo* f. 1. licet postea
iterum scribens de fide d. 17. f. 10. & seqq. co-
natus sit se tueri , tamen n. 204. absolutè decer-
nit fidem strictam esse necessariam ad justifica-
tionem ; ideoque etiam *Oviedo* controv. 7. n. 13.
postquam dixisset certum esse apud omnes
Theologos , quòd actus fidei prærequiratur ad
justificationem per baptismum , & ad gratiam
post baptismum amissam iterum recuperandam,
n. 22. subdit , se nunquam ausurum testimonia
quibus ita clarè & expressè fides ad salutem ex-
poscitur à *Paulo* & *Trident.* exponere de fide latè
dicta : & quod dicitur de necessitate fidei strictæ
ad justificationem , valet de necessitate ad om-
nem actum supernaturalem , uti signanter no-
tant AA. n. 21. relati.

Rationem dat *Platel.* n. 222. ubi loquens de il-
la sententia *Ripalda* , ait , ne eam sequar , faciunt , 1.
communissimus cæterorum DD. sensus in contrarium.
2. Scripturæ & Patres cum Conciliis absolute requi-
rentes fidem simpliciter , quo nomine venit fides stri-
cta . 3. Præcipue *Apostolus* ad *Hebr.* 11. & alibi , de hac
satè aperte loquens : dicit enim fidem illam esse
necessariam , quam ibidem dixerat esse speran-
darum substantiam rerum , argumentum non
apparentium ; Item ad *Rom.* 10. dicit unum-
quemque

quemque per talem invocationem nominis Domini salvum fieri, ad quam requiritur credidisse, & ad quod credere requiritur audivisse & prædicatum esse, hæc autem omnia sonant fidem strictam, ergo. Similiter Concilia & PP. loquuntur de illa fide, per quam intellectus captivatur in obsequium Dei; sic Trident. expressè dicit de illa fide, quæ ex auditu concipitur; & quando PP. loquuntur de necessitate fidei, contraponunt eam cognitionibus comparatis ex ratione humana vel naturali per evidentiam, ideoque dicunt talem fidem procedere debere liberè expia affectione voluntatis, uti ostendit Lugo n. 11., ergo intelligunt fidem strictè dictam. Denique licet probabile sit, quod docet Carden. d. 11. n. 73., nempe assensus firmos, qui post habitum actum fidei strictæ repetuntur, dici posse simpliciter fidei, quamvis aliquis non recordetur motivi fidei, quia causantur à specie supernaturali reicta post actus, qui procedebant cum reflexione ad motivum fidei, tamen id non est certum, nisi intelligatur de fide virtuali, secundum dicenda n. 25.

§. 11. Si fides virtualis sumatur secundum 24 primam explicationem n. 16. relatam, non est certum, quod sufficiat ad justificationem aliosque actus supernaturales: est contra Carden. d. 15. c. 4. Probatur, quia Scriptura, Conc., PP & Autatores requirunt fidem, absolutè & simpliciter, imò eorum plerique expressè requirunt actum fidei vel fidem actualē, uti Clerus Gallicanus, Su. ir. Turr. Lugo. Castrop. Esp. Rhod. Herinx. Platel. Stoz, Gormaz. Tabern. Jlls. relati n. 18. Item Sporer & Fagn. relati n. 21. Et idem est sensus reliquorum

tum ibi tum numeris aliis relatorum, uti colligatur ex rationibus, quas addunt; non dicitur autem absolutè & simpliciter fides, multò minùs dicitur *actus fidei* vel *actualis fides*, sine addito, nisi re ipsa & in se sit fides, uti n. 23. dictum est, ergo. *Ratio* etiam à priori est, quia ideo requiritur fides, ut intellectum supernaturaliter illustret, ut certificet, ac proportionatè representet proponatque voluntati objecta, in quæ tendere debet per *actus spei*, doloris & aliarum virtutum supernaturalium, hæc autem certo haberi non possunt per quemcumque alium effectum à fide causatum, si non ad sit *actus fidei* saltem tenuis & imperceptibilis, uti colligitur ex Auctoribus & Rationibus n. 18. 19. 20. 21., ubique sub finem, additis, ergo.

25 §. 12. Certum est ad justificationem, spem, dolorem de peccatis aliosque *actus* supernaturalies sufficere fidem virtualem, secundum explicationem secundam n. 16. datam, si nempe sit *actus* in se fidei, licet tenuis & imperceptibilis: nam simpliciter & strictè est fides *actualis*, potestque præstare omnia, per se loquendo, quæ n. 24. diximus per fidem esse præstanta: Nec inventio Auctorem, qui dissentiat, licet enim *Dicast.* de pœn. d. 1. n. 231. ad justificationem requirat *actum fidei formalem*, & *Eſp.* de pœn. q. 88.a. 2. *actum spei formalem*, ideo est, quia supponunt fidem & spem virtualem non esse re ipsa *actualem*, & sic dicunt idem, quod diximus n. 24. non negant autem sufficere virtualem illam, quam nos dicimus esse re ipsa in se fidei *actum*. vide dicta illo n. 16.

26 Q. 5. Quænam opponi soleant contra dicta q. preced. & quomodo solvantur. R. Præcipue sunt seqq. §. 1.

§. 1. Obiicitur 1. Si fides & spes prærequiratur ad dolorem sufficientem pro Sacramento pœnitentia, ut n. 19. & 20. dictum est, ergo qui non elicuerit illos actus ante confessionem, tenebitur cœfessiones repetere. R. Si sciret se nequidem virtualiter habuisse, c. Ex hoc præcisè, quod nunc non meminerit se habuisse, n. seq. nam qui de more frequentarunt catechismos, ac postmodum assueverunt formaliter credere ac sperare objecta necessaria, prudenter supponunt se ea iterum credidisse ac sperasse saltem virtualiter, dum dolebant de peccatis, volebantque confiteri: *Ratio* est, quia dolor, qualis ordinariè elicitur, prærequit cognitionem omnium illorum objectorum, ut n. 19. dictum est, ergo moraliter fieri non poterat, quin excitarentur species de illis objectis, vel saltem de prioribus actibus circa illa, & cum species illæ essent connexæ, connaturaliter loquendo, excitabantur omnes simul, ergo intellectus, qui semper querit certitudinem, nec aliunde poterat eam habere, continuò recurrebat ad similes certas cognitiones fidei; consequenter etiam emovebatur voluntas ad correspondentes actus spei vel timoris, quamvis homo non semper adverteret se eos actus habere: hinc infert *Lugo* l. 13. n. 44. stultè aliquos scrupulis angi, eo quod non recordentur, an habuerint fidem ante confessionem, si enim habuerint dolorem, dicit putare debere, quod habuerint etiam fidem: quod intelligendum est de illis, qui antecedenter sat sciverunt credenda & modum credendi; atque idem est de spe: aliud est de aliis, qui nunquam sciverunt credenda aut speranda, neq; modum

C.

eos

eos actus eliciendi, de quo dicetur à n. 30. & 118.
Notatque rectè Platel. n. 241. Confessarium,
priusquam absolvat, teneri interrogare pœni-
tentem, si rationabiliter dubitet, an sciat neces-
faria, necessitate medii; Addit tamen dubium
non esse rationabile, si pœnitens sit litteratus,
bene educatus, & frequenter confiteatur.

Inst. 1. Nemo potest esse certus se necessaria
scivisse, aut ante confessionem sufficienter eli-
cuisse actus necessarios, ergo manebit obligatio
repetendi illas confessiones, quia circa valorem
Sacramentorum non est licitum sequi incerta &
tantum probabilia. *Rg.* Dato antec. n. conseq.,
cujus probat: dist: , circa valorem Sacramenti su-
cepti non est licitum sequi tantum probabilia,
n, circa valorem Sacramenti suscipiendi, c: ass:
disparitas est, quod in casu Sacramenti probabi-
liter validè suscepti, non tantum sit possessio
pro valore actus, sed nullum insuper Sacramen-
tum ideo exponetur periculo nullitatis, licet e-
nim peccata illa omittantur in sequentibus con-
fessionibus, non ideo confessiones exponentur
periculo nullitatis, quia certum est confessio-
nem tantum formaliter integrum sufficere ad
valorem, uti dicetur I. 6. tr. 4. c. 1. ad d. 3. Op-
posita omnia sunt, si agatur de Sacramento su-
scipiendo, tum enim fateor merito adhibendam
majorem cautelam, ut per præmissos actus fidei
& spei voluntas disponatur ad dolorem super-
naturalis, præsertim cum nesciamus, quando
actus illi desinat esse virtualiter & tantum ha-
bitualiter permaneant.

Inst. 2. Ad dolorem supernaturalem satis est,
quod præcedat naturalis cognitio peccati, ergo
etiam

etiam sufficiet, si præcedat cognitio naturalis Dei
ut remuneratoris vel ut summè boni. R: N. con-
seq:, præcognitio peccati est pura conditio, de-
se non disponens ad gratiam vel salutem, sed de-
se indifferens, ut peccatum ametur vel odio ha-
beatur; è contrà præcognitio Dei per fidem est
propriè dispositio ad salutem, saltem ex ordi-
natione Dei in præsente providentia, secundùm
dicta n. 22:, & id resimus ex Scriptura, Conc:,
PP. & Doctoribus, qui nil simile dicunt de præ-
cognitione peccati.

Inst. 3. Saltem ad dolorem de peccato, quod
certò cognosco esse plenè remissum, non prære-
quiritur spes veniae, quia spes est desiderium,
quod tendit in bonum absens probabiliter obti-
nendum, venia autem talis peccati cognoscitur
certò præsens & obtenta. R: N. aff:, per spem
veniae intelligitur spes remissionis peccati, idest,
gratiæ remissivæ peccati, talis autem remissio
potest fieri sæpius, ac sæpius causari talis gratia
per novam absolutionem, uti suppono ex di-
cendis l. 6. tr. 4. c. 1. ad dub. 1.

Obij. 2. Durum est & contra mentem omni-
um fidelium dicere, quòd per omnia opera et-
iam in statu gratiæ facta, v. g. per eleemosynas,
nihil mereamur præmii supernaturalis, nisi pri-
us tendamus in Deum per fidem & spem, ergo
dicta n. 21. sustineri non debent. R: N: ant:, nam
ad hoc dicendum cogunt nos Auctoritates & ra-
tiones ibi adductæ. Neque hoc videri debet du-
rum, nam qui scit objecta credenda & speran-
da, ac sæpe exercuit fidem ac spem, si ex bono
fine det eleemosynam (: quod requiritur ad me-
ritum apud Deum :) Virtualiter & exercitè co-

C 3 gnoscit

gnoscit honestatem illius operis Deumque remuneratorem, à quo proinde sperabit, uti n. 26. explicatum est: similiter quoties formabit Crucem, adorabit Crucifixum, audiet Missam, operabit &c., concomitanter elicet actus fidei & spei, quibus assuevit circa talia objecta tum occurrentia. Denique talis homo, cùm fidem Christianam sèpius posuerit tanquam certissimam regulam suarum actionum, quibus ad Deum & beatitudinem vult tendere, quoties hoc vel illud honestum volet agere, etiam volet tendere ad Deum & beatitudinem suam ex directione suæ regulæ, sicèt non ita advertat; sicuti qui ex regula didicit syllogismos facere, postea ex regula eos repetit, licèt non ita advertat se ab ea regula dirigi, uti dictum est n. 16. Et ratio à priori est, quia difficillimum est, ut amans aliquem finem eligat medium, quod novit esse conducens ad illum, & non priùs tendat in eum finem, ergo cùm omnis Christianus amet beatitudinem, & ex fide sciat honestatem omnis actus boni conducere ad beatitudinem, quando operabitur honestè, facillimè & pro priori perfidem tendet in illam beatitudinem.

Inst. 1. Incredibile est homines pios & simplices, qui nihil cogitantes de actu fidei, meditantur aliquid de creaturis, & inde accendantur, v:g: ad laudem Dei, habere actus tantum naturales. *R.* De infidelibus non habemus exempla, quòd ita accendantur: si fideles sint, vel erunt actus naturales, vel priùs per fidem, saltem virtualem, agnoscent Deum ut Auctorem talis creaturæ.

Inst. 2. Talis laus Dei posset dirigi per actum pru-

prudentiæ supernaturalis, dictantis Deum ex talis creatura esse laudandum, ergo non est opus actu fidei. *Rq.* Talis laus, si sit supernaturalis, posset dirigi per actum prudentiæ supernaturalis, suppositâ cognitione fidei, c, hac non suppositâ, n, prudentia enim, ut dicit Deum esse laudandum laude, quæ ad beatitudinem conducere possit, supponere debet omnia principia laudis supernaturalis adesse ex parte actus primi, inter quæ est cognitio fidei certa de eo, quod Deus fit finis ultimus, objectum & auctor beatitudinis.

Inst. 3. Pia affectio credendi & judicium credibilitatis sunt actus supernaturales, nequè tamen ad eos prærequiritur fides, cum hanc præcedant, ergo nec prærequiritur ad alios actus supernaturales. *Rq.* N: conseq:, priores enim actus spectant ad fidem completem sumptam, uti recte *Lugo* d. 5. n. 46. & *Platel.* n. 223:, Concilia autem, PP: & Auctores prærequirunt fidem ad actus supernaturales à fide distinctos.

Inst. 4. Oratio, quâ primò oraturus ardenter petit fidem, est actus distinctus à fide, præcedens fidem, & tamen supernaturalis, ergo. *Rq.* *Rhod.* d. 2. q. 3. f. 4. §. 1. & *Carden.* d. 16. n. 20. putant talem orationem esse naturalem, & tantum removere impedimentum fidei: *Lugo* permittit esse supernaturalem, sed dicit pertinere ad fidem ac in ratione doni computari pro fide, cum sit quædam ejus inchoatio, & re ipsa oriatur ex lumine fidei, sicuti crepusculum matutinum computatur dies, quia est à lumine Solis, & inchoat diem; favetque huic sententiæ *S. Greg.* hom: 9: in Ezechielem.

Ob: 3: SSPP loquentes de necessitate fidei 28

C 4

sæpe

sæpe sumunt fidem pro cognitione honesti, ut ostendit *Ripald: d. 17. f. 2. 3. & 4.*, eo sensu, quo dicitur, omnia esse peccata, quæ non sunt ex fide, ergo malè explicantur de fide stricta, & consequenter dicta n. 23. non subsistunt. R: N: conseq; nam alibi talem requirunt fidem ad meritum, qualem ad justificationem, hæc autem debet esse stricta, ut certum est ex dictis n. 8., ergo.

Inst: 1: Conc: Moguntinum c. 7. de justif: dicit, prævenientem gratiam, tum per alia media, tum potissimum in prædicatione verbi ad conversionem hominum operari, ergo agnoscit sine prædicatione verbi dari gratiam prævenientem, etiam ad justificationem, ergo dari potest etiam justificatio sine fide stricta. R: N: secundam seq:, nam in primis seclusâ prædicatione poterat revelatio proponi per lectionem vel illuminacionem internam, ad quam sequi poterat fides stricta: Deinde licet omnino primæ gratiæ prævenientes datæ fuissent ante fidem, tamen fides debuisset supervenire tanquam medium ad justificationem.

*Inst: 2: S: August: & alii PP: agnoscent in infidelibus gratias supernaturales excitantes ad bona opera, planè independentes à fide, ut latè ostendit *Ripald: f. 6. & 7.* sic S: Basilides, quia adhuc infidelis defenderat S: Potamienam à quorundam petulantia, meruit converti post triduum: sic S: Greg: Naz: orat: 19: loquens de actibus virtuosis Patris sui adhuc infidelis, ait, pro his rebus fidem quoque, ni fallor, præmii loco retulit: sic Daniel c. 4. suadet Nabuchodonosori infideli, ut peccata sua eleemosynis redimat. R: Illis gratis non consentiebant consensu supernaturali, nisi medi-*

mediante fide : *S: Basilius isto actu non meruit gratiam conversionis, sed S: Potamienus pro ipso orans impetravit : S: Greg: latè sumit tò præmium, nam opera illa non merebantur fidem, sed impropriè disponebant, removendo impedimenta graviora, ut verba illa exponunt interpres apud Lugo n. 74. Daniel, vel supponebat prius habendam fidem, ex qua darentur eleemosynæ, vel si ante fidem suadebat eleemosynas, hæ tantum poterant avertere pœnas temporales, quod fuisset præmium tantum naturale.* Ex hactenus dictis,

§. 2. Inferuntur seqq: 1. Quàm gravis fit obligatio illorum, qui curam animarum habent, ut sibi commissos bene instruant in fide, utpote à qua velut principio primo pendent omnia : *plane, inquit Herinx d. 7. n. 42., longè utilius instituentur coram plebe conciones catechisticæ quàm aliæ, in quibus subtilizantur loca scripturæ & conceptus ac discursus captum plebis excedentes proponuntur, pro ut tamen frequenter fieri videmus.* 2: Quàm prudenter etiam faciant alii, qui sine obligatione regunt animas, si modum exercendi virtutes theologicas bene edoceant, earumque exercitium frequenter commendent : longè plus proderit per medium quadrantem actus fidei, spei, charitatis eliciisse, quàm per dies multos se afflixisse ciliciis vel jejuniiis, aut vacâsse aliis suis devotiunculis. 3. Quàm quisq; pro se sollicitus esse debeat, ut in his quoque frequenter se occupet, partim ut assuescat, sic enim fiet, ut actus illi sâpe & maximè in necessitate recurrent quasi ex habitu ; partim quia sunt regula, anima & perfectio omnium agendorum ac patiendorum pro vita æterna.

30 Q. 6. *Quomodo homo, etiam rūdis, p̄actice instrui & induci debeat ad credendum.* R. Quidam animarum Curatores h̄ic parūm operæ p̄onunt, & putant satis esse, si interrogārint, nunquid credis omnia? &c. Alii putant se multum fecisse, si mysteria credenda ordine proposuerint, & verbo addiderint, nunquid h̄ec credis, quia Deus dixit? Rudes sic instructi nunquam credent, licet missies dicant, credo, & insuper recitent omnia symbola fidei. Itaque procedendum est hoc vel simili modo, edocendo sequentia.

31 §. 1. Credere fide divinâ, non est tantum cogitare de objectis à Deo revelatis, v. g. de Deo existente, de Deo remuneratore &c., sed credere est habere assensum circa illa objecta, & quidem ex motivo illo, quia Deus dixit, uti statim explicabitur; si enim assentiatur ex alio motivo, vel quia homines hoc dicunt, vel quia ratio naturalis hoc suadet aut evincit, erit tantum fides humana vel opinio vel scientia naturalis, planè inutilis ad salutem, justificationem vel meritum.

32 §. 2. Præcipua objecta, quibus homo assentiri debet in ordine ad eliciendos actus virtutum, ad suscipienda Sacra menta, ad meritum è bonis operibus reportandum, sunt seqq: 1. Deum esse, qui gubernet omnia. 2. Deum esse remuneratorem bonorum & punitorem malorum. 3. Animas esse immortales. 4. Gratiam esse necessariam ad salutem. 5. Deum esse unum in essentia & Trinum in personis, Patrem, Filium & Spiritum sanctum. 6. Secundam personam, quæ dicitur Christus, esse pro nobis factam hominem & passam. 7. Christi gratiam nobis conferri per Sacra menta ab ipso instituta, speciatim per illa, quæ susci-

fuscipere volumus. 8. Deum esse infinitè sapientem & veracem, ideoque non posse in eo, quod dicit, falli aut fallere: item promisisse nobis æternam beatitudinem ac media ad illam, & esse infinitè fidelem ac potentem servare sua promissa: item esse infinitè bonum, propter se dignissimum amari & non offendti. 9. Deum esse finem ultimum rerum omnium, ad cuius agnitionem, amorem, honorem dirigenda sint omnia.

Hæc omnia objecta credenda, debent ad captum exponi rudibus, alioquin nequidem intelligent, quid sit hoc, quod illis proponitur credendum.

§. 3. Inculcandum est, quod omnia ista sint 33
revelata à Deo, & nobis credenda proponantur per Ecclesiam, quam Christus dixit esse columnam veritatis, quam vocavit petram non extendam per portas inferi, quam qui non audit, vult Christus eum haberi tanquam Ethnicum & Publicanum.

§. 4. Si homo instruendus velit rescire, ubi 34
Deus singula ista revelaverit, dicatur ipsi, quod revelaverit in sacra scriptura, uti pro singulis facile incidet aliquis textus, aut antecedenter eos sibi notaverit Instructor: de cætero illis, qui sunt catholici, satis esse debet, quod Romana Ecclesia, quæ sola est vera Ecclesia, proponat ista credenda: si autem hactenus non fuerit Catholicus, explicari illi debet, quod sola Ecclesia Romana sit vera Ecclesia, eò quod ipsa sola habeat veræ Ecclesiæ notas, quæ sunt esse *Unam, Sanctam, Catholicam, Apostolicam*: & pro his singulis probandis debet Instructor aliunde in promptu habere convincentia argumenta: Etiam inde ad captum rudium suadetur solam Ecclesiam Romanam esse

esse veram Christi Ecclesiam , quia in illa fuit semper & adhuc est gratia miraculorum : in illa observantur Evangelica Christi consilia : ipsius fides per totum mundum jam dudum prædicata est : in ipsa mori cupiunt plerique etiam acatholici , quando advertunt se per mortem ituros in æternitatem.

35 §. 5. Illis objectis ita à Deo revelatis & ad credendum per Ecclesiam propositis assentiri debet unusquisque firmissimè ; firmius , quām si oculis videret , quia visioni oculorum potest subesse deceptio , non autem fidei divinæ ; debet autem assentiri ex motivo infinitæ authoritatis Dei , qui ista dixit.

36 §. 6. Authoritas illa Dei est aliqua perfectio & excellentia in Deo , propter quam est dignissimus , cui firmissimè assentiamur , si ipse aliquid dicat ; reipsa autem ista authoritas consistit in hoc , quod Deus , qui hoc dixit , in primis sit infinitè sapiens , qui omnia sciat , sicuti in se sunt , nec possit falli : deinde quod sit infinitè verax , qui aliter loqui non possit , quām sciat , ideoque non possit fallere ; & hoc utrumque necessarium est , nam si posset falli , quamvis non posset fallere ; aut si posset fallere , quamvis non posset falli , non esset summè dignus , cuius verbis firmissimè assentiremus : utroque autem illo habitu jam est summè dignus tali assensu.

37 §. 7. Ut ille , qui instruitur , hæc melius capiat , rogari debet , cur potius credat , v. g. D. Pastori sibi aliquid dicenti , quām alicui petulantij juveni ; utique dicet , quia puto D. Pastorem bene Scire , quid dicat , & non velle aliter dicere quām sciat , sive , quia puto illum non errare nec men-

tiri;

tiri; talis autem juvenis s^epe dicit, quod nescit, aut etiam s^epe mentitur: id applicet Deo, qui necessari^o semper scit omnia, sicut in se sunt, & non potest aliter loqui, quam sciat; si enim posset falli vel mentiri, non esset Deus, quia esset valde imperfectus, Deus autem est talis, cui nulla perfectio potest deesse; ex quo colliget Deum esse dignissimum, cui in omnibus credamus per assensum firmissimum.

§. 8. Licet instruendus visus sit ista cepisse,³⁸ eadem tamen alias repetenda sunt, tum quia per se satis sunt difficultia, tum etiam quia facile elabuntur apud homines aliis intentos, nisi firmata sint longo usu. Pueri s^epe sciunt omnia ista verbotenus dicere, rem autem non capiunt, ut inde constat, si eadem aliis verbis per interrogaciones proponantur, tum enim hæsitabunt vel errabunt, unde ut hi aliquae similes sufficienter informentur, debent paulatim per partes edoceri de singulis, aliis vicibus repetendo omnia simul quasi cursim, ut memoriam retineant, diutius autem inhærendo illi punto, quod tunc accuratiū explicandum assumitur.

§. 9. Ad firmandam & perficiendam ejusmodi instructionem multūm juvabit cum ipsis s^epe, ubi occasio erit, conceptis & semper iisdem verbis elicere actum fidei, aut etiam in scripto vel impresso dare s^epius pro privata devotione orandum.

Q. 7. Quomodo practice elici possit ejusmodi actus fidei. *R. Formulam ejus dabo n: 153: ubi coniungam etiam formulam actuum Spei, Charitatis & Contritionis.*⁴⁰

C A-